


مکرمات

❁ ادبی و سیاسی رسالهٔ اسبوعیه در ❁

۲۱ نجی سنه



۲۱ رمضان ۱۳۲۹

❁ پنجشنبه ❁

جزء عدد : ۱۱۳

شاعر آرزوسی

ناجی مرحوم اسکنداری صافی بک :

« جدال سعدی بامدعی » عنوانی ترجمه منظومه‌سنة دأر یازدینی تقرر یضده
سعدی حقنده « هرملت ایچون، کاشکی بزدن اولاییدی » دیدیرنه‌جک قدر صاحب
هنر و فضیلت اولدینی زمینده مدیحه پردازلقده بولنمش ایدی . حقیقت حالده ، شو
کوچک‌جمله ، سعدی حقنده سویلنیله‌بیله‌جک سوزلرک اڤ بارلاغیدر . احتمال‌که برای
مدح و تقدیر یازیله‌جق قوجان بر جلد بونک قدر روحلی ، بونک قدر معنیدار
اوله‌ماز .

بعض مشاهیر شعرا دخی‌هره‌هانگی برملنک دور معارف و اجلال و سطوتی ،
مفاخر ملیه تاریخیه‌سنی نظر مطالعه‌یه آله‌رق اوقملنک افراندن بولنمغه میال
و خواهشکر اولمشدر .

مع‌ماقیه شخص واحدی کندینه منسوب عدایتمک ایسته‌یان ملت سوزی
ایله ، برملنک داستان مفاخرینه نظراً اوقملته منسوب اولمق سوزی آره‌سند
همالایا طاعی قدر فرق وارد ؛ چونکه اوده قوجان بر ملت یکانه بر شاعره
عرض اشتیاق ایلور ؛ بریده بر شاعر ممتاز بیوک بر ملتته مجلوب و مشتاق
بولنیور . هر حالده ناجی مرحومک بالاده کی افاده‌سی قدر لطیف ، روحلی ،
معنیدار سوز پک آز بولور . ظاهرآ پک ساده کورنمکده ایسه‌ده حقیقت حالده
علویت مقالک نمونه بیعدیلیدر .

آلمان ملتک الڭ بیوک شاعری اولان کوته یونان قدیمه منسوب اولمق
آرزوسنده بولمیشدر .

فرانسز شاعر مشهوری لامارتین ایسه عری بلرک دور اجدال و اقباله
مفتون اولدینی جهتلہ بر شیخ العرب اولمق سوداسنه دوشمیشدر .

ویقتور هوغو ایسه قرون وسطی یه منسوب (بارون) اولمق بدیع الامال
عد ایلشدر (!)

دوشونیلہ جک اولورسه شواوچ بیوک شاعرک آرزولری میانده ویقتور
غونکگی پک عادی قالیور .

رامی عمر

